

## **Symma Juris Canonici**

Comprehensa Tribus Partibus In Qva Distincte Et Succincte Explicantur,  
quæ ad personas, negotia, & iudicia Ecclesiastica ex Canonum præscripto,  
pertinent

Iurisdictione Ecclesiasticâ, & Iudiciis

**Strein, Johann**

**Coloniæ Agrippinæ, 1658**

§. 2. De Repræssaliis.

---

[urn:nbn:de:hbz:466:1-61847](#)

norem & estimationem suam, cuius gratia aggressorem quoque cum moderamine inculpar et tutelae occidere licet, ut DD. communiter tradunt. Azor. III. l.5. c.3. q.7. & seq. Less. c.9. D.8. Gaill. l.2. obs. 101. F. chineus l.9. c.12.

Cæterum hic duo observanda sunt. Primum est sic injuriantibus mutuo actionem dari: & ipsis cessantibus Fiscus iure suo exigere poenam seu multam potest, quemadmodum aliqui putant apud Iul. Claram V. iniuria.

Secundum, non censeri compensatam iniuriam, quando laesio est diversi generis, ut si dixero, te latronem esse, tu verò me parcidam, aut patræ proditorem appelles. c. penult ff. de adult. l. 2. s. si pubblico. §. Ne quid in loco publ. l. Si duo. ff. de do-  
lo l. viro, atque uxore. ff. solu. matr. V. De-  
cian. l.3. c.33; ubi plurib. hanc materiam persequitur. Socinum in Reg. 86. Delicta paria mutua compensatione tolluntur. Tholosan. l.38. c.7. num. 14. Farinae in Pra-  
xi. q.143. num. 35. Schneiderrin. l. 4. instit.  
ct. 4. Bellet disquis. cleric. part. 1. de favor.  
cler. Barbosa in c. ult. de adulterio. Henrig.  
l.11. c.17. n.3. De compensatione adulte-  
rii. V. Sancb. l.19. de Matrim. disp. 8.

## §. 2.

## De Repressaliis.

**I.** **A**lius modus præter, & extra iudicium, ius suum obtinendi, & quod pro iniuria debetur, extorquendi in clarigatione, seu pignoratione consistit: Vulgo Repressalia, aut Repressaliæ appellantur, in civilibus tantum causis usitatæ.

Sempronius exempli gratiæ, iniuria militi per spoliationem allata, vel de solvendo interpellatus tenuit, eumque Magistratus quamvis rogatus, ad satisfaciendum non compellit. Ob eam causam literis & consensu à meo Principe impetrato duos vel tres cives illius loci abduco, tamdiu retenturus, dum à Sempronio militi fuerit satisfactum. Idem in bonis, seu rebus fieri potest. Monet autem Henningius cons. 35. num. 39. illum, cui Repressalia conceduntur, non posse sibi personas detinere, vel in carcerem detinendre, deque rebus eorum sibi satisfacere, sed personas, & res iudicii præsentandas esse.

Modum hunc Bartolus novum vocat, sed antiquissimum esse, & in legibus veterum Romanorum fundatum docet Zasius. in l.2 ff. de orig. iuris. & Gaill lib. singulari, de pignoribus obser. 2. existimans primum auctorem fuisse Numam Pompeium, à quo faciales constituti, qui fedifragis civitatibus, nisi parere vellent, bellum denunciarent. Capiendi seu pignorandi ipsos etiam hostes morem antiquissimum putat Budaeus ad l. Aut facta § Eventus ff. de pœn. Tholosan in Syntagma l.38 c.8. Mynsing. cent. 6. obser. 1. Damhoud in Prax Crimin. c. 97. Silv. Armilla, & Rosella in V. Repressalia.

**II.** Repressalias petete à Magistratu licet in quinque Casibus, quorum primus est, cum iudex requisitus tenuit, nec ad superiorum ipsius via patet. Innocent. in Olim de restit. spoliator. Cynus in auct. Ne fil. pro patre.

Secundus, cum adversarii mei iudex non vult arbitros dare, aut delegatos iudices extra,

extra locum, ubi formidanda est ipsius potestas. *Guido Papa decis. 32.*

*Tertius*, si adversarius nolit protogare iurisdictionem indicis non suspecti.

*Quartus*, quando sit iniustitia à populo, ut tyraano, vel populo erigente cervicem, & non agnoscente superiorum aliquem.

*Quintus*, ob iustitiam denegatam, vel dilatam, vel illatam ab aliquo iudice iniutiam concedi possunt Repressaliæ contra quemcunque civem, & subsidium eiusdem loci. *Iudices C. de naviculariis.*

Addit *Mysingerus l. cit.* illum qui Repressaliæ exercendis causam dedit, siue communitas, sive privatius quis sit, ad omnia damna, quæ inde proveniunt, reparanda teneri, nisi forte constet Repressalias iniuste petitas & concessas esse, *Guido Papa l. cit.* *Caietan. in Summa V. Repressalia.*

*III.* Huic doctrinæ obstare videtur. *Etsi oppignorationes de iniur. & damno datum 6. ubi dicitur*, graves legibus, & aquitati naturali contrarias esse; propter quod multi DD. à Gaill. citati *l. de pignorationib. obf. 2.* omnino dominant Repressalias, quibus ipse Gaill adhærens, regulatiter non valere pronunciat, nec habere locum nisi in specialibus casibus, exceptis nuncupatis à regulâ prohibitivâ. Nemo enim alterius odio prægravari deber. Regalariter enim omnia arresta ipso iure nulla sunt. *to. tt. c. deprohib. pecun. sequestr. & § l. Auth.* *Vt nou. fiant. pignorat.* Qui igitur allegat Repressalias esse licitas, casum exceptum probare debet. Ita Gaill. ex quibus non aliud sequitur, quam medium hoc pignorationem simile ar-

senico esse, quo Chirurgi non passim, sed in gravi necessitate utuntur. Nec absolute verum est, neminem alterius odio gravari, sed absque causa gravandum non esse. Sicut ergo bellum licitum est, in quo tamen bonis & malis nocetur, iuxta c. *Dominus noster 23. q. 2. l. ex hoc iure ff. de iust. & iure.* ita Repressaliæ si cum requisitis conditionibus fiant, hec tæ sunt. Quamobrem bene *Guido Papa l. cit.* cùm dixisset, iure Canonico, & civili non permetti Repressalias, subdit tamen iure di- vino permitti in c. *cit. Dominus noster,* quod hodie retinuet incorrectum, ut dicit *Gloss. in di. c.* *Etsi pignorationes.* *Idem Bart. docet. in tract. de Repressal. quem sequuntur alii DD. Molina. d. 121. Valent. q. 16.* *Tanner. d. 2. 2. q. 6. n. 73.* *Navar. c. 27. n. 136.* *Angel. Silvest. V. Repressal. Armilla, Rosella, Tabiena. Lorichius eod. Emmam. Sa. Tol. l. 1. c. 38. num. 36. Filliac. tract. 14. num. 53. & num. 66. Reginald. l. 21. n. 120. Barboſa. in cit. Etsi Tholof. l. 38. c. 8.*

*IV* Conditiones autem, quarum observatio Repressalias licitas reddant, sunt istæ. *Primo* requiritur auctoritas Superioris, seu Magistratus.

Nam iudicis iussus excusat l. *Quan-*  
*quam ff. de aqua pluv. arcenda.* *l. Si stipula-*  
*tus §. Si lancem. ff. de solutionibus.*

*Secundo*, ut causa iusta sit, qualis in cit.  
c. *Dominus noster à S. Augustino.* allega-  
tur, ulcisci iniurias, si qua gens, vel  
civitas neglexerit, vindicare, quod à  
suis improbè gestum est, vel reddere,  
quod per iniurias ablatum est.

*Tertio* necessaria est bona intentio illius,  
cui conceduntur. Absque hac enim nulla

bb 2 perfe-

perfecta actio est. Quariò damnum non excedat ipsum interesse cuius gratia inferatur. *Silv. Regin. l. cit.*

Quinto ut non permittantur in personis iure exemptis, quales r. sunt clerici. Secus facientes ipso factio excommunicationem incurunt, nisi concedens revo- caverit intra mensum, & quod ablatum est, restituatur. c. un. de iniur. & dam. da- zo in 6. Bonac. d. 2. q. 2. pun. 27.

2. Confœderati & subditi, qui ad sa- risfaciendum aliis mediis compelli pos- sunt.

3. Scholares, qui in Academia privilegiata student iuxta Constitutionem Friderici Imperat. apud Iul. Pacium c. 8. modò vere studeant.

4. Legati l. fin ff. de leg. Quod Silvester extendit ad deferentes necessaria pro Le- gato, vel studiolo, ut sunt equi, vestes, & Emilia.

5. Euntes ad nundinas, vel aliquem locum religionis causa.

6. Navigantes, qui forte vi tempesta- tis, in locum, ubi Repressalia exercentur, eiciuntur.

7. Illi, qui in ius vocari non possunt, ut electus in præsidem, vel iudicem.

8. Qui in dignitate constituti contradixerunt iniuriæ seu iniustitiæ, cuius vin- dicandæ causa Repressalia fiunt.

9. Realiiter citati, & Principum consiliarii.

Denique mulieres, quas non convenit captivas abduci propter aliena debita, ac detineri à maritis separatas, dummodò honestæ sunt. *Damhou d. in Pract. c. 98. Franc. Marcus decisione 769.*

Sinamen contra maritum aut patrem permisæ pignoratio sit, uxor & filii capi-

poterunt; nisi vel nati sint post contra- ctum delictum, vel alibi iam pridem ha- bitarent. Iura enim loquuntur de filiis existentibus tempore delicti. l. In delicti. & Si extraneus ff. de noxalibus & l. Titius ff. de testam. militari. Bartol. qu. 7. de Repressal. Card. Tusibus concl. 198.

V. Magistratus qui Repressalias con- cedat, non est quilibet, sed is solum, qui superiorum non agnoscit, & cuius indu- bitata potestas sit. l. hostis ff. de captivis. In- noc. in c. Olim. 16. de rest. spoliat. & c. 2. de ini- reiur.

Vnde sequitur Primo, Civitates, que alicui domino sublunt, non nisi ex spe- ciali indulto concedere Repressalias posse.

Secundò neque Officiales & Praefectos à Principe constitutos, nisi specialiter il- lis committatur. *Card. Tusibus concl. 197.*

Monet autem *Damhou d. l. cit. n. 29.* dis- crimen illud summi, & non summi Principiis in usu ipso hodie non attendi. Pauci enim sunt, qui se aliis subiectos, aut mino- res fateri velint: nec expedit hanc con- troversiam suscipere definendam.

VI. Repressalia contra Pragenses ob- tentæ sunt, Marcus autem civis Norim- bergensis, & Norimbergæ commorari solitus domicilium Pragæ habet, estne annumerandus Pragensibus, aut adversus illum quoque executio fieri queat? Cen- leo non esse annumerandum, tum quia non debent ultra literam extendi, quo o- diosa sunt, tum quia iniquum est eos, qui absentes à bonis suis inde non capiunt lu- crum nec aliorum civium cōmodis frui- tur, paribus damnis, & vexationibus ob- noxiros esse. *Bald. in l. Si aliqua ff. de off. pro- con. Autb. Omnia. C. Ne uxor pro mar. & in- c. 1. de off. ord. Felin. in c. Rodulph. col. 7. Scim. conf. 86.*

*enf 86. in 3. Steph. Gratian. decis 96. Card.  
Tusibus concl. 198.*

In modo exequendi non unâ cautione opus est, ne habenis cupiditati & vindicta laxatis justitia lædatur. Primo igitur, quâ literas & consensum à Magistratu suo de Repressaliis obtinuit, executionem faciet non in alieno territorio, sed Magistratus seu Principis sui duntaxat. Secundo non faciet per se vel suos ministros, sed per Officiales publicos, quos Princeps eum in finem designârit, quia nemini vindictam facere suipius permittitur. *I. sciem-  
iam. §. Quia cum aliter. ff. ad l. Aquil. l. Ex-  
tat. ff. Quod metus causa. & l Meminerint. l.  
Si quis in tantam. c. Vnde vi. Tertio, Bona,  
qua per Repressalium executores ere-  
pta fuerint, vel apud Creditorem, cuius  
causa erupta sunt, manebunt, vel apud  
Magistratum custodientur, vel si expe-*

dient, & necessarium videatur, vendi pos-  
sunt in solutionem auctoritate judicis: cu-  
jus erit semota avaritia, & omni prava  
cupiditate, despicer. Ne quid nimis, in ne-  
gotio alias lubrico, & periculoso. Quarto,  
si personæ captæ sint, non creditoris in-  
potestate, sed Principis erunt, & pro ra-  
tione status sui tractabuntur. Tholosa-  
nus & personam & bona capta exhiben-  
da esse putat judici illius loci, ubi capta  
sunt, qui consignet repertorio publico,  
vendi curet, indeque satisficeri creditori-  
bus. Quod superest, dominis reddendu-  
m est, deductis impensis judicariis,  
& legitima captionis. *Bald. in Auth. Et  
omnino. Ne uxor pro marito. & l. g. .ii  
notab. & notab. l. 10. C. Joan de Lignano in  
Tract. Repress. part 5 q 12. Casir. cons. 3/3. Tha-  
los. l. 38. c. 8 Damboud. in Pract. c. 98. Cardan.  
Tusibus concl. 195.*

## TITULVS XIII.

### De in integrum Restitutione.

**S**icut reddere, à retrò date trahitur, *l. 49. Verbum reddendi. ff. de signif. verb.*  
ita restituere à retrò, & statuo, quasi  
dicas, statuo iterum in priorem locum:  
in qua acceptione latè patens illius est si-  
gnificatio. Nam Princeps dicitur resti-  
tuere natalibus, famæ, honoribus, & or-  
dini. Causæ etiam, de quibus iterum  
cognoscitur, restitui in integrum dicun-  
tur. *l. Divus Adrianus 33. l. Imperatores 34.  
ff. de re iud.*

Denique, quod nostro proposito ma-  
gis conductit, reparationem mutati status

significat, præsertim illius, qui per senten-  
tiam judicis lætus est. Quod remedium  
omnium esse tutissimum censetur, cùm  
aliis, tum illis maximè, qui appellationis  
remedio destituti sunt. Si quis extra ordinariū  
remedium appellare voluerit, mi-  
nimè arguendus est. *l. in causa ff. de minorib.*

**S** Quid restitutio in integrum, & quoram?

**I.** **R** Estitutio in integrum quoad per-  
sonas, nihil aliud est, quam in pris-  
tis.

bb 3 num